



“Вордскем кыл” журналлэн редакциез

ЗАРНИ ШЫКЫСЪЁСМЕС УСЬТЫСА ИЗ ЗОЛОТОГО СУНДУЧКА

Научно-методической ужьёсын бичет

ИЖЕВСК
2010

Бичет люкамын но радъямын
“Вордскем кыл” журналлэн редакцияз

Зарни шыкысьёсмес усьтыса. Научно-методической ужъёсын бичет. —
Ижевск: Удмурт Республика, 2010. — 116 б.

“Зарни шыкысьёсмес усьтыса” бичетэ пыризы шаерысьтымы нылпи садъёсысь воспитательёслэн ужъёссы, покчи классъёсын но шоръёзо школаосын ужась дышетісьёслэн удмурт кылъя но литература урокъёссылэн конспектъёссы.

Куд-огез соос пöлысь “Вордскем кыл” журналлэн пöртэм аръёсы потэм номеръёсысьтызы басьтэмын, мукетъёсыз нырысьсэ печатласько.

ЗАРНИ ШЫКЫСЬЁСМЕС УСЬТЫСА

Из золотого сундучка

Научно-методический сборник

На удмуртском языке

Редактор И.М. Байметов

Составители: И.Ф. Тимирязнова, Н.В. Хайдарова

Компьютерный набор Е.В. Назаровой

Компьютерная верстка Н.Г. Шакировой

Фото на обложке А. Горбунова

Подписано к печати 13.09.2010.

Формат 60 x 84^{1/8} Бумага ВХИ. Печать офсетная. Гарнитура Таймс.

Усл. печ. л. 13,49. Тираж 400.

Заказ № 827

КнигоГрад — типография.

426034, г. Ижевск, Коммунаров, 287.

www.knigograd.net

© Журнал «Вордскем кыл», 2010

Г.В. ГОРБУШИНА,

*Удмурт кун университетсы удмурт кылъа но сое
дышетон методикая кафедраысь доцент*

Туала урок сярысь малпанъёс

Кыће луыны кулэ туала урок? Та юан пӧртэм вакытёсы кылдылӧз ке но, огвыллем валэктон солы ноку но сётэмын ой вал, малы ке шуоно уроклэн жечлыкес трос пӧртэм куронъёсын герзаськемын: вакытлэн аспӧртэмлыкеныз, дышетон азын сыйсь ужпумъёсын, дышетӧсылэн быгатонъёсыныз но мукет.

Кема арӧс ӹже урок вал но кыле дышетонлэн валтӧсь *формаез* луыса. Арӧс ортчыса но, уроклэн валтӧсь тодметъёсыз уг воштӧсько ке но, туала урок азе выль куронъёс пуктӧсько. Азвыл нылпиослы муресь тодон-валанъёс сётон ужпум нырысь интыын вал. Али (школаын дышетон кун стандартлэн пусъемезъя) нылпиосты, азыланаз улонын гормонъёс басытыны мед быгатозы шуыса ужаны-дышетскыны дышетонно. Нылпиослэн школаын басытэм тодон-валанъёссы но быгатонлыкъёссы улоназы но быръем ужазы юрттэт луыны кулэ. Соин ик школа туннэ дышетоннын кутӧськись вуж куронъёслэсь палэнскыны кулэ. Дышетӧсь мед валалоз котькуд нылпилэсь аспӧртэмлыкес, быгатонлыкъёссы но, ваньзэ тае лыдэ басытыса, солэсь малпаськыса ужаны быгатэмзэ азинтоз. Со понна, дышетонлэсь пуштроссэ сяна, выльдыны кулэ дышетон амалъёсты но. Выльдон – со вужзэ тӧян, тус-тас карон луыны кулэ ӧвӧл. Выльдон – со вужзэ туала улонлы тупамон карон, дышетоннын выль технологиосты но инновациосты кутон, предметно-ориентированной дышетонзэ лично-ориентированноен воштон.

Берло дыре дышетоннын паськыт кутӧсько пӧртэм традиционной луисътэм урокъёс, кудъёсыз нылпиослэсь чакласькыны, ӹшатыны, огъяны быгатонлыкес азинто, юртто тодон-валанъёссы муромытыны, вераськон но гождяскон кылзэ шонертыны. Дышетонзэ радъянын пумиськись амалъёс пӧлысь паськытгес кутӧсько таӹеосыз:

классической традиционной урок;

интегрированной урок;
лекционно-семинарской яке лекционно-практической занятие;
проектной занятие;
«автономной дышетон»;
творческой мастерской;
эркын (свободной) ужан.

Классической традиционной урокын быдэстӧсько дышетон, умой сямъёс пыӹатон но нылпиослэсь малпаськыны, вераськыны быгатонлыкъёссы кылдытон ужпумъёс, кутӧсько пӧртэм ужан амалъёс (дышетон, шудон, коммуникативной, познавательной но мукетъёсыз), кудъёсыз урокын ог-огзэс вошъяло но нылпиослэсь саклыкес будэто; озьы ик урокын пиналъёс лыдзиськыны, вераськыны, кылзыны, гождяскыны дышетско.

Лекционно-семинарской яке лекционно-практической занятиослэн валтӧсь цельзы – нылпиосты выль дышетсконниосын дышетскыны дасян: нылпиос, эскероно материалз кылзыса, тетрадыз кулэ луись информациез гождыны быгатыны кулэ. Таӹе занятиосын нылпиослэн саклыксы муроме, соос кылзэмысьтызы самой кулэзэ висъяны дышетско.

Интегрированной урокын кык предметъёслэн огъя темаоссы, цельёссы тупаны кулэ. ӹемысь тупало воспитательной но азинскытӧсь ужпумъёс.

Проектной занятиослэн валтӧсь мугзы нылпиослэсь куспазы ужаны быгатонлыкъёссы кылдытон луэ. Проектной занятиын пиналъёс цельёс пуктыны, ӹош ужан выльсь эшъёс (партнёръёс) бырйыны, ужзэс радъяны, ужзылэсь йылпумъянзэ возматыны но соосты дунъяны дышетско. Проект котьку кин ке понна лэсьтӧське, соин ик солэсь «емышсэ» одно ик возматыны кулэ, шуом, яке классын, яке мукет классъёс, анай-атайъёс азын.

«Автономной дышетон» нылпиослэсь

ас понназы ужамзэс азинтон понна кулэ. Та амалэн дышетоннын одно ик лыдэ басьто нылпиослэсь ужаны быгатэмзэс, жоглыкэс.

Творческой (педагогической, французской) мастерскойн нылпиослы асьсэды шараяны луонлык кылдытиське. Нылпиослы дась тодоньёс уг сётисько, соосты дышетскисьёс асьсэос шедьто. Озы ик быгатонлыкёс басьтоннын но нылпиос ас понназы ужало, янгышаны но быгато. Дышетись эскерись но дуньясь уг луы, нылпиос асьсэос ик ужзэс дуньяло. Нылпиослэн дышетсконэн тунсыкъяськонзэс будэ, ваче вераськыса, кылзы воля, узырме; озы соос пöртэм адямиосын кусып тупатыны дышо.

Эркын (свободной) ужан нылпиослы ас понназы ужаны луонлык сётэ урокын но доразы. Ас понназы ужамзы час но, арня но, толзэь ёже но кыстиськыны быгатэ. Нылпи аслыз ачиз ужан план но дыр тупатэ, аслыз тупась амальёс бырьё. Басьтэм тодон-валаньёссы, быгатонлыкёссы со возматаныны быгатыны кулэ.

Туала традиционной уроклэн паськыт луонлыкёсыз: солэсь радзэ воштыны, пушказ пöртэм дышетскон амальёсты пыртыны луэ.

Берло дыре ёем кутиське **блочной амалэн дышетон**. Виль материалэз блокёсын сётонлэн пайдаез бадзым:

- дышетоно материал оглом нимысьтыз пичи юантьёслы люкылытэк сётиське;
- нылпиос эскероно материал сярэсь оглом тодон-валан басьто;
- орчем материалэз юнматыны трогес дыр кыле;
- дышетскисьёслэн ас коязы ужаны дырзы уногес луэ.

Нимысьтыз пусыны кулэ **развивающей (азинскытйсь) урокёсты**:

- таёе урокын виль тодоньёс басьтон валтйсь ужпум уг луы; виль тодоньёс нылпиослэсь познавательной, творческой быгатонлыкёссы кылдытон амальёс луо;
- нылпилэн виль тодон-валаньёсыз но быгатонлыкёсыз кылдо, урокын поисково-исследовательской амалэн ужаса;
- дышетйсьлэн урокын проблемной ситуация кылдытэмезья, юрттэмезья, виль

тодон-валаньёсты басьтонлэсь кулэлыкэс нылпиос асьсэос шараяло,

— нылпиослы ас коязы ужаны трос дыр висьяське;

— дышетйсь но дышетскисьёс урокын ёош, эшлыко ужало.

Традиционной но традиционной луисьтэм урокёслэн радьяськемзы пöртэм луыны быгатэ, но дидактической ужпумёсты быдэстэмзыа соослэсь куинь огкадь люкетсэс пусыны луоно: орчемзэ тодэ ваён; виль тодоньёс басьтон; басьтэм тодоньёсты уже кутон, быгатонлыкёсты азинтон.

Озы ик пусыны кулэ туалэ уроклэсь валтйсь тодметёссы:

1. Урокын быдэстйсько куинь ужпумёс:
а) дышетон — нылпиослы тодон-валаньёс сётон но быгатонлыкёссы кылдытон, б) умой сямьёс пычатон, в) кылзэс волятон, малпаськыны быгатэмзэс азинтон, йырсазсэс юнматон.

2. Урок шонер радьямын: кутске но йылпумьяське звонокен; дышетйсь но, дышетскисьёс но урокы дасэсь; нылпиос быдэс урок ёже мыло-кыдо ужало.

3. Уроклэн люкетёсыз бöрсёсыз бöрсё шонер радьямын но куспазы юн герзаськемын, котькуд уж бере йылпумьяньёс лэсьтйсько.

4. Цель быдэс урокы но, нимысьтыз быдэстоно ужёслы но пуктйське.

5. Нылпиос эскероно материаллэсь но урокын ужамлэсь кулэлыкэс валало.

6. Дышетйсь классысь котькуд нылпиен умой кусып тупатэ; нылпиосын валамон, чебер литературной кылын вераське; гажэ нылпиослэсь малпанзэс; нылпиос уг кышкало янгышаны.

7. Урокын эскероно материал нылпиослэсь тодон-валаньёссы, быгатонлыкёссы, аспöртэмлыкёссы, тунсыкъяськонёссы чакласа бырьёмын.

8. Муресь тодон-валаньёс сётон но быгатонлыкёс кылдытон понна урокын пöртэм ужан амальёс кутйсько, соос нылпиослэсь аспöртэмлыкэс чакласа бырьёмын.

9. Дышетйсь нылпиослэсь ужамзэс синйылтыса возе, соослэсь виль материалэн тунсыкъяськонзэс, ужан мылкыдзэс урок ёже возён сярэсь сюлмаське.

10. Уроклэн пумаз нылпиос валаны кулэ, малы но ма карыны соос туннэ урокын дышизы, кыче кулэлыкез туннэ эскеремлэн азыланаз дышетсконын луоз.

Ма бордысен кутсконо урокы дасясько-нэз?

Та куроньёс, малпасько, тужгес кулэ луозы али ужаны кутскись дышетйсьёслы.

Нырысь ик, уроклэсь темазэ учконо, огъя урокёслэн радазы лыдэ басьтоно солэсь интызэ; уроклэсь огъя луись ужпумзэ, темалэсь валтйсь валаньёссэ; пусьёно, мае кулэ валаны, тодыны, быгатыны дышетскись; материалэсь быдзалазэ лыдэ басьтыса, дышетйсь сое люкетэн-люкетэн сётон сярэсь малпаськыны кулэ. Со понна дышетйсь класслэсь аспöртэмлыкёссэ (тодон-валаньёссылэсь мурдалазэс, тунсыкъяськоньёссэс, ужаны быгатонлыкёссэс, урокын асьсэды кызы воземзэс) но нимысьтыз нылпиослэсь аспöртэмлыкёссэс оглом тодыны кулэ.

Кыкетйез — валано, кыче кулэлыкез та уроклэн, собере пусьёно дышетон, умой сямьёс пычатон, малпаськыны дышетон но кылзэ волятон азын сылйсь ужпумьёссэ.

Куинетйез — урокез радьян. Урокез шонер радьян понна пыр-поч эскероно учебной программалэсь та темая куроньёссэ. Шонер тодон-валаньёс сётон вылысь тодматскыны кулэ литератураен: науной монографиосын, статьяосын но научной грамматикаен, школьной учебникен но методической юрттэт сётйсь

пособиосын. Виль материалэн тодматон но сое юнматон понна кулэ ужёс бырьёно.

Нылетйез — урокын нылпиосты паймытон вылысь тунсыко материал яке ужёс бырьёно. Урокын ужамзэс нылпиос медаз вунэтэ шуыса, соосты одно ик паймытыны, шумпоттыны кулэ.

Витетйез — урокын нылпиослэсь ужан радзэс чаклано, соос уроклэн котькуд минутаэ ужаны кулэ.

Куатетйез — нылпиослэсь урокын ужамзэс эскерон но дуньян амальёсты чаклано.

Сизыметйез — урокы оборудование дасяно: учебно-наглядной пособиос, ТСО. Малпано, доскалэн кытчыяз гожтоно виль материалэз, со урок чоже ужаны мед юрттоз шуыса.

Тямысэтйез — доразы сётон вылысь уж бырьёно; нылпиос сое быдэстыны мед быгатозы шуыса, чектоно валэктоньёсты малпано.

Котькудйз урок радьяськемез, пуштрóсэзья, нылпиослэн кулэ тодон-валаньёс но быгатонлыкёс басьтэмзыя йылпумьямын ке но, дышетйсь тодаз возыны кулэ, та нимысьтыз урок мукетьёсыныз герзаськемын луыны кулэ шуыса. Соин ик дышетйсь адзыны кулэ вань дышетонлэсь радзэ, нимысьтыз уроклэсь та дышетон радын кыче инты басьтэмзэ. Соку гинэ котькуд нимысьтыз уроклэсь аяз сылйсь ужпумьёссэ, пуштрóссэ, радзэ, дышетон амальёссэ шонер бырийыны луоно.

В.В. КОНЮХОВА,

Алнаш шорьёзо школаысь удмурт кылъя но литературая дышетйсь

Николай Байтеряков. «Маин дуно»

Удмурт литература. 5-тй класс

Ужпумьёс: писательлэн улон но творческой сюресэныз вакчияк тодматон; кылбур бордын ужаны, кык кылбурьёсты чошатыны дышетон; вордйськем шаердэ яратыны, гажаны но дуньяны мылкыд пычатон.

Урокын кулэ луись арбериос: Н. Байтеряковлэн туспуктэмез, магнитофон, компьютер, интерактивной доска, «Удмурт литература» учебник, Н. Байтеряковлэн кылбурьёсысьтыз чурьёс.

Уроклэн мынэмез.

Уроклэн кутсконаз «Нёжало шаере» кырзан чузьяське. (Крезьгурез Николай Постниковлэн, кылёсыз Николай Байтеряковлэн.)

Нёжало шаере, бусыё шаере,
Юг лента кадь пичи шурьёсын,
Чагыр-лыз сяськаен пужыятэм шобырен
Пыраськод тон чебер вотьёсы.